

REGLUGERÐ

um innflutning og útflutning á plöntum og plöntuafurðum.

I. KAFLI

TILGANGUR, ORÐASKÝRINGAR, EFTIRLIT.

1. gr.

Tilgangur.

Tilgangur þessarar reglugerðar er að koma í veg fyrir að til landsins berist skaðvaldar sem valdið geti alvarlegu tjóni á plöntum og plöntuafurðum hér á landi og að hindra að skaðvaldar sem aðrar þjóðir vilja verjast berist til þeirra frá Íslandi.

2. gr.

Orðaskýringar.

Merking orða er í reglugerð þessari sem hér segir:

Planta: Lifandi jurtir og vidarplöntur svo og lifandi hlutar þeirra og vefur, einnig trjáviður sé við hann áfastur börkur. Með lifandi plöntuhlutum er m.a. átt við ávexti, grænmeti, rótar- og stöngulhnyði, lauka, jarðstöngla, afskorin blóm, felld tré með greinum, trjágreinir og plöntuvef í vefjaræktun. Þar með er einnig átt við jarðveg eða annað ræktunarefni er kann að loda við eða fylgja plöntunni sem og umbúðir og umbúðarefni er umlykja hana í flutningi. Reglugerð þessi tekur ekki til djúpfrystra plöntuhluta né heldur til fræs, sem ekki er ætlað til sáningar.

Ræktunarland: Land þar sem plantan var síðast í ræktun í minnst eitt vaxtarskeið, eða þar sem sáð var til hennar með fræi. Sé um græðlinga að ræða (með eða án rótar) er átt við það land þar sem móðurplantan var ræktuð síðasta vaxtarskeið fyrir töku græðlinga, eða þar sem rótun fór fram.

Ræktunarstaður: Sú rekstrareining í ræktunarlandinu, þar sem plönturnar eru ræktaðar; gróðrarstöð, garðyrkju- eða landbúnaðarbyli eða annað fyrirtæki.

Sending: Plöntur og plöntuafurðir sem tilgreindar eru á sama heilbrigðisvottorði.

Skaðvaldur: Lífverur og lífrænir þættir er meinum valda á plöntum; veirur (vira), berfrymingar (mycoplasma), bakteríur (bacteria), sveppir (fungi) og meindýr.

Trjáviður með berki: Trjáviður þar sem meira en 1% af yfirborði er þakið berki. Sé meira en 3% af þyngd trjákurls börkur telst kurlað unnið úr trjáviðið með berki.

Útflutningsland: Land þaðan sem plöntur eru fluttar beint til Íslands án þess að skipt sé um flutningsfar á leiðinni.

Vaxtarstaður: Akur, gróðurhús eða annar hluti innan ræktunarstaðar, þar sem plönturnar eru ræktaðar.

3. gr.

Eftirlit.

Rannsóknastofnun landbúnaðarins og tollýfirvöld sjá um að ákvæðum þessarar reglugerðar sé framfylgt.

Sérfræðingar Rannsóknastofnunar landbúnaðarins í plöntusjúkdómum hafa heimild til skoðunar á plöntusendingum, hvort sem er í flutningstækjum, á geymslusvæði farmflytjanda eða hjá innflytjanda vörunnar. Er skylt að aðstoda þá við þá skoðun og skal þeim heimilt að taka sýni til nánari skoðunar án endurgjalds.

Komi í ljós við skoðun að sendingin uppfylli ekki ákvæði reglugerðar þessarar, skal innflytjanda og tollýfirvöldum tilkynnt þar um. Rannsóknastofnun landbúnaðarins ákveður hvort sendingin skuli endursend eða henni evtt hér á landi. Torveldi innflytjandi aðgangur

plöntusendingu eða skoðun hennar eða framkvæmi hann ekki þau fyrirmæli er honum kunna að vera gefin í tengslum við innflutninginn, má hafna innflutningi jafnvel þótt sendingin uppfylli að öðru leyti sett skilyrði. Innflytjandi ber allan kostnað við endursendingu eða eyðingu.

Eigi vankantar sem finnast á sendingu einungis við um hluta hennar og sé það mat Rannsóknastofnunar landbúnaðarins að ekki sé með því tekin óréttmæt áhætta, má í undantekningatilvikum leyfa að sendingu sé skipt upp og að sá hluti hennar sem í lagi telst sé fluttur inn. Sé eigi aðgreint fullnægjandi milli plöntusendinga í sama flutningsrými og finnist skaðvaldar, sbr. viðauka I. í einhverjum þeirra, má hafna öllum sendingum í því flutningsrými.

Þegar um er að ræða plöntur til áframhaldandi ræktunar skal sérfræðingum stofnunarinnar veittur aðgangur að plöntunum til skoðunar eftir að þær eru komnar í ræktun og í allt að tvö ár frá því innflutningur átti sér stað. Komi í ljós að plöntur hafi verið fluttar inn í trássi við reglugerð þessa, er heimilt að fyrirskipa eyðingu plantanna.

Þegar fluttar eru inn trjáplöntur af tegundum sem gegna þýðingarmiklu hlutverki í íslenskri skógrækt skal Rannsóknastofnun landbúnaðarins veita Rannsóknastöð Skógræktar ríkisins upplýsingar um innflutning þeirra.

II. KAFLI

INNFLUTNINGUR PLANTNA OG PLÖNTUAFURÐA.

4. gr.

Innflutningsbann.

Óheimilt er að flytja til landsins:

- a) Skaðvalda sem upp eru taldir í viðauka I og plöntur sem þeir finnast í eða á.
- b) Plöntur sem ætlaðar eru til áframhaldandi ræktunar og bera skaðvalda er nefndir eru í viðauka II, séu þeir í sendingunni í meira en mjög óverulegum mæli.
- c) Plöntur sem upp eru taldar í viðauka III og frá þeim löndum sem nefnd eru.
- d) Plöntur sem taldar eru upp í viðauka IV uppfylli þær ekki þau skilyrði sem þar eru sett.
- e) Plöntusendingar sem vísað hefur verið frá við innflutning til Danmerkur, Finnlands, Noregs eða Svíþjóðar vegna þess að skilyrði þeirra landa, með tilliti til plöntuheilbrigði, hafa ekki verið uppfyllt.
- f) Jarðveg, safnhaugamold, óunnin trjábörk og húsdýraáburð. Undanskilin er þó mold frá Evrópu, sem að meginhluta samanstendur af mosa (*Sphagnum*), enda sé hún tekin frá óræktuðum svæðum og aldrei verið notuð til ræktunar. Þá er undanskilin mold, sem fylgir rótum plantna eða rótarávöxtum, enda sé hún í óverulegum mæli.

Finnist í plöntusendingu skaðvaldur sem ekki er vitað til að fyrirfinnist hér á landi og ekki er nefndur í viðaukum I og II og sé það mat Rannsóknastofnunar landbúnaðarins að hann geti engu síður valdið alvarlegu tjóni á plöntum hér á landi, getur stofnunin bannað innflutning sendingarinnar.

Sé grunur um að skaðvald, sem nefndur er í viðauka I, sé að finna í farmi sem samanstendur af öðru en plöntum, skal sérfræðingum Rannsóknastofnunar landbúnaðarins veittur aðgangur til skoðunar og útrýmingaraðgerða og er skylt að veita þeim aðstoð við slíka aðgerð.

5. gr.

Innflutningur.

Innflutningur á plöntum og öðrum vörum, sem falla undir eftirtalda flokka, er því aðeins heimill, að sendingunni fylgi heilbrigðisvottorð.

- a) Plöntur með rót eða plöntuhlutar s.s. græðlingar, laukar, stöngul- og rótarhnýði o.fl., sem ætlunin er að ræta og rækta áfram. Fræ eru þó undanskilin svo og vatnplöntur ætlaðar í fiskabúr.

- b) Kartöflur (*Solanum tuberosum*).
- c) Afskorin blóm og greinar.
- d) Rótarlaus barrtré og barrtrjágreinir (*Coniferae*) frá Everópu, önnur en þau, sem getið er um í viðauka III með reglugerð þessari.
- e) Trjáviður með berki.
- f) Mold.

Þrátt fyrir ákvæði 1. mgr. er heimilt að flytja inn eftirtaldar plöntur og plöntuhluta án þess að þeim fylgi heilbrigðisvottorð. Undanþága þessi nær ekki yfir villtar plöntur sem tíndar eru á víðavangi, trjáplöntur (með og án rótar), þ.m.t. dvergtré („bonsai“) og kartöflur:

1. Farþegum í millilandaferðum er heimilt að taka með sér eftirfarandi án heilbrigðisvottorðs og sama gildir einnig um póstsendingar milli landa:
 - a. Vönd með afskornum blómum og greinum (allt að 25 plöntum).
 - b. Blómlauka og rótar- og stöngulhnýði frá Evrópu í órofum verslunarbúðum (allt að 2 kg).
 - c. Einstaka pottaplöntur (inniplöntur) frá Evrópu (allt að 3 stk).
2. Við búferlaflutninga frá Evrópulandi er heimilt að taka með sér pottaplöntur (inniplöntur) sem tilheyra venjulegri búslóð (allt að 30 stk, 1-5 af hverri tegund).

6. gr.

Heilbrigðisvottorð.

Heilbrigðisvottorð skulu gefin út og undirrituð af þeim opinbera aðila í ræktunarlandinu, sem hefur eftirlit með plöntusjúkdómum. Vottorðið skal vera á því formi sem gefið er í hinum alþjóðlega sáttmála um plöntuvernd (IPPC/FAO) eða sambærilegu formi. Útgáfa vottorðs skal vera staðfesting þess, að sendingin uppfylli þær kröfur sem gerðar eru hér á landi til plöntuheilbrigðis.

Þegar plöntur eru ræktaðar í öðru landi en útflutningslandinu, skal fylgja sendingunni afrit af því heilbrigðisvottorði er fylgdi plöntunum inn í útflutningslandið ásamt sérstöku endurútflutningsvottorði á því formi sem gefið er í hinum alþjóðlegasáttmála um plöntuvernd eða sambærilegu formi. Vottorðið skal gefið út og undirritað af þeim opinbera aðila í útflutningslandinu sem hefur eftirlit með plöntusjúkdómum. Sé afgerandi munur á innflutningsreglum þessum og reglum útflutningslandsins, skal það vera ljóst á því vottorði er fylgdi plöntunum frá þriðja landi inn í útflutningslandið eða staðfest á annan hátt, að plönturnar uppfylli þau skilyrði sem sett eru hér á landi.

Vottorð skulu rituð á íslensku, dönsku, norsku, sænsku, ensku, frönsku eða þýsku. Þau skulu vera þannig að allur texti sé vel læsilegur, vélritaður eða ritaður með upphafsstöfum. Hægt er að hafna vottorði sé texti ekki á einu ofangreindra tungumála eða sé hann ógreinilegur eða ólesanlegur. Breytingar eða viðbætur mega ekki koma fyrir á vottorði nema greinilegt sé að þær séu gerðar af þeim aðila sem gaf það út.

Vottorð má ekki vera eldra en 14 daga þegar sending fer frá útflutningslandinu.

Hafi plöntur sem ætlaðar eru til neyslu verið meðhöndlaðar með einhverjum efnum þegar upp var skorið eða eftir að uppskera átti sér stað, skal það tilgreint á heilbrigðisvottorði. Skal þá gefa upp nafn efnasambands, notað magn og hvenær meðhöndlun fór fram.

7. gr.

Innflutningsstaðir.

Plöntur og aðrar vörur sem falla undir staflíði a-e í 1. mgr. 5. gr., má einungis flytja inn í landið um eftirtaldar tollhafnir: Reykjavík, Hafnarfjörð, Keflavík, Keflavíkurflugvöll, Akureyri og Seyðisfjörð.

8. gr.

Tollafgreiðsla og afhending.

Við tollafgreiðslu á sendingum, sem falla undir staflíði a-e í 1. mgr. 5. gr., skal fylgja tollskjölum frumrit heilbrigðisvottorðs. Áritað af Rannsóknastofnun landbúnaðarins. Heimilt er einnig að tollafgreiða plöntusendingu sé afrit af frumriti áritað. Rannsóknastofnun landbúnaðarins getur ákveðið í vissum tilvikum að veita undanþágu frá kröfunni um heilbrigðisvottorð og skal það þá tilgreint á tollskýrslu eða vörureikning með áritun.

Tollyfirvöldum er óheimilt að leyfa afhendingu plöntusendinga, sem falla undir staflíði a-e í 1. mgr. 5. gr., gegn framvísun bráðabirgðaleyfis, nema fyrir liggja samþykki Rannsóknastofnunar landbúnaðarins. Slíkt samþykki er gefið með áritun á bráðabirgðaleyfi til tollafgreiðslu, áritun á heilbrigðisvottorð eða með skriflegri afhendingarheimild.

9. gr.

Undanþágur.

Landbúnaðarráðuneytið getur, að fenginni umsögn sérfræðings Rannsóknastofnunar landbúnaðarins í plöntusjúkdómum, veitt undanþágu frá ákvæðum þessarar reglugerðar í vísinda- og fræðitilgangi eða af öðrum ástæðum. Umsóknir þar að lútandi skulu berast ráðuneytinu skriflega ásamt rökstuðningi fyrir nauðsyn innflutnings. Hægt er að binda undanþáguna skilyrðum sem umsækjandi skuldbindur sig til að hlíta, s.s. sótthreinsun, ræktun í sóttkví og fleira.

III. KAFLI

ÚTFLUTNINGUR.

10. gr.

Þegar plöntur eru fluttar frá Íslandi til annarra landa, skal fylgja þeim heilbrigðisvottorð í samræmi við kröfur innflutningslandsins. Séu plönturnar ræktaðar í öðru landi en Íslandi og fluttar um Ísland áfram til þriðja lands, skal fylgja þeim endurútflutningsvottorð ásamt afriti af því vottorði er fylgdi plöntunum til Íslands. Rannsóknastofnun landbúnaðarins gefur út slík heilbrigðisvottorð.

Forsenda þess að Rannsóknastofnun landbúnaðarins geti gefið út heilbrigðisvottorð, er að stofnuninni sé kunnugt um gildandi innflutningsreglur viðkomandi lands með tilliti til plöntuheilbrigði og að plönturnar uppfylli þau skilyrði sem innflutningslandið setur.

IV. KAFLI

REFSIÁKVÆÐI OG GILDISTAKA.

11. gr.

Brot á ákvæðum reglugerðar þessarar varða sektum. Með mál út af brotum skal farið að hætti opinbera mála.

Reglugerð þessi er sett samkvæmt heimild í lögum um varnir gegn sjúkdómum og meindýrum á plöntum nr. 51/29. maí 1981 og öðlast gildi 1. júní 1990. Jafnframt er úr gildi felld reglugerð nr. 103/19. ágúst 1948 um eftirlit með innflutningi plantna o.fl. og reglugerðir nr. 46/1984 og 382/15. júlí 1988 um breytingu á þeirri reglugerð.

Landbúnaðarráðuneytið, 20. apríl 1990.

Steingrímur J. Sigfússon.

Jón Höskuldsson.

Viðauki I.**Skaðvaldar sem bannað er að flytja til Íslands. Nefndar eru helstu hýsilplöntur þeirra.**

Veirur, berfrymingar og skyldir skaðvaldar	Helstu hýsilplöntur
<i>Chrysanthemum stunt viroid</i>	Krýsi
<i>Potato spindle tuber viroid</i>	Kartafla
<i>Potato yellow dwarf virus</i>	Kartafla
Stofnar af veirum, berfrymingum og svipudum skaðvöldum sem eiga uppruna að rekja til landa utan Evrópu og sem smitað geta kartöflur.	Kartafla
Bakteriur	
<i>Aplanobacter populi</i>	Ösp
<i>Clavibacter michiganense</i>	Kartafla
<i>Erwinia chrysanthemi</i>	Skrautjurtir
<i>pv. chrysanthemi</i>	Krýsi
<i>pv. dianthicola</i>	Nellika
<i>Pseudomonas caryophylli</i>	Nellika
<i>Pseudomonas solanacearum</i>	Kartafla
Sveppir	
<i>Angiosorus solani</i>	Kartafla
<i>Atropellis spp.</i>	Fura
<i>Ceratocystis ulmi</i>	Álmur
<i>Cercospora pini-densiflora</i>	Fura
<i>Chrysomyxa arctostaphyli</i>	Greni og sortulyng
<i>Chrysomyxa abietis</i>	Greni
<i>Chrysomyxa empetrii</i>	Greni, krækilyng
<i>Chrysomyxa pirolata</i>	Greni, vetrarliljur
<i>Elytroderma deformans</i>	Fura
<i>Gremmeniella abietina</i>	Fura
<i>Heterobasidion annosus</i>	Barrtré
<i>Hypoxyton mammatum</i>	Ösp, birki
<i>Lophodermium seditiosum</i>	Fura
<i>Melampsora medusae</i>	Ösp, barrtré
<i>Melampsora pinitorqua</i>	Ösp, barrtré
<i>Mycosphaerella populorum</i>	Ösp
<i>Nectria galligena</i>	Ýmis lauftré
<i>Peridermium harknessii</i>	Fura
<i>Peridermium pini</i>	Fura
<i>Phacidium infestans</i>	Fura
<i>PHELLINUS pini</i>	Barrtré
<i>PHELLINUS weirii</i>	Barrtré
<i>Phialophora cinerescens</i>	Nellika
<i>Phoma andina</i>	Kartafla
<i>Phytophthora fragariae</i>	Jarðarber
<i>Piptoporus betulinus</i>	Birki
<i>Puccinia horiana</i>	Krýsi
<i>Scirrhia acicola</i>	Fura
<i>Septoria lycopersici var. malagutii</i>	Kartafla
<i>Synchytrium endobioticum</i>	Kartafla

Skordýr, mitlar og þráðormar.

Acleris variata
Adelges abietis
Adelges laricis
Adelges viridis
Amauromyza maculosa
Bemisia tabaci
Bursaphelenchus xylophilus
Cacocimorpha pronubana
Cydia strobilella
Dendroctonus spp.
Diarthronomyia chrysanthemi
Ditylenchus destructor
Ditylenchus dipsaci
Epichoristodes acerbelli
Epirrita autumnata
Frankliniella occidentalis
Globodera pallida
Globodera rostochiensis
Hyllobius abietis
Ips spp.
Kaltenbachiola strobi
Leptinotarsa decemlineata
Liriomyza huidobrensis
Liriomyza sativa
Liriomyza trifolii
Monochamus sutor
Nacobbus aberrans
Opogona sacchari
Phthorimaea operculella
Pissodes spp.
Pityogenes chalcographus
Pityogenes bidentatus
Pityogenes quadridens
Premnotrypes spp.
Pristiphora erichsonii
Scolytus spp.
Thrips palmi
Tomicus piniperda
Trialeurodes vaporariorum
Trogoderma granarium
Xiphinema americanum

Helstu hýsilplöntur

Greni, þinur
 Greni
 Lerki, greni
 Greni, lerki
 Krýsi, salat
 Gróðurhúsaplöntur
 Barrtré
 Nellika o. fl.
 Greni
 Greni
 Krýsi
 Kartafla o. fl.
 Skrautjurtir
 Nellika o. fl.
 Birki
 Gróðurhúsaplöntur
 Kartafla
 Kartafla
 Fura og greni
 Barrtré
 Greni
 Kartafla
 Ýmsar tegundir
 Ýmsar tegundir
 Ýmsar tegundir
 Fura og greni
 Kartafla
 Skrautjurtir
 Kartafla
 Barrtré
 Greni
 Fura
 Fura
 Kartafla
 Lerki
 Lauftré
 Gróðurhúsaplöntur
 Fura
 Gróðurhúsaplöntur
 Kornvöru
 Ýmsar

Viðauki II.

Skaðvaldar sem einungis mega vera til staðar í mjög óverulegum mæli við innflutning til Íslands á plöntum sem ætlaðar eru til áframhaldandi ræktunar.

Veirur, berfrymingar og skyldir skaðvaldar.*Potato leaf roll virus**Potato virus Y***Bakteríur***Agrobacterium tumefaciens**Corynebacterium fascians***Sveppir***Botrytis spp**Didymella chrysanthemi**Fusarium spp.**Phoma exigua var. foveata**Rhizoctonia tuliparum**Sclerotinia spp.***Skordýr, miltlar og þráðormar.***Aphelenchoides spp.**Cecidophyopsis ribis**Eumerus spp.**Meloidogyne spp.**Merodon equestris**Paratetranychus ununguis**Polyphagotarsonemus latus**Pratylenchus penetrans**Pratylenchus vulnus**Steneotarsonemus fragariae**Tetranychus urticae***Viðauki III.**

Plöntur, sem bannað er að flytja til Íslands (fræ eru undanskilin). Sé annað ekki tilgreint gildir bannið um öll lönd.

- 1) Álmur (*Ulmus sp.*)
- 2) Birki (*Betula spp.*)
- 3) Fura (*Pinus sp.*)
- 4) Greni (*Picea sp.*)
- 5) Lerki (*Larix sp.*)
- 6) Víðir (*Salix spp.*)
- 7) Ösp (*Populus spp.*)
- 8) Önnur barrtré (*Coniferae*) frá löndum utan Evrópu.
- 9) Villtar plöntur sem safnað hefur verið á víðavangi.
- 10) Plöntur með rót af gúrku, papríku, tómát og salati. Undanskilið er salat með rót, sem ekki er ætlað til útplöntunar heldur er tilbúið til nevslu.
- 11) *Elodea spp.*

Viðauki IV.

Plöntur, sem einungis má flytja til landsins svo fremi sem tilgreind skilyrði séu uppfyllt.

1. Plöntur til áframhaldandi ræktunar eða fjölgunar.

- a) Á síðasta vaxtarskeiði plantnauna í ræktunarlandinu, skulu þær hafa lotið opinberu heilbrigðiseftirliti í minnst 1 mánuð fyrir sendingu til Íslands. Þá mega skaðvaldar sky. viðauka I ekki hafa fundist.
- b) Vörtupest (*Synchytrium endobioticum*) má aldrei hafa fundist á vaxtarstaðnum.
- c) Kartöfluhnúðormur (*Globodera pallida* og *G. rostochiensis*) má ekki vera á vaxtarstaðnum og má aldrei hafa fundist þar. Jarðvegsrannsókn vegna hnúðorms skal vera gerð samkvæmt viðurkenndum aðferðum og má ekki hafa sýnt hnúða í jarðvegi.
- d) Kartöflubjalla (*Leptinotarsa decemlineata*) má ekki koma fyrir á vaxtarstaðnum og vaxtarstaðurinn skal vera á svæði, þar sem bjallan finnst ekki.

2. Jólátré og barrtrjáagreinar.

Innflytjendur jólátrjáa og barrtrjáagreina skulu ábyrgjast að meðan á innflutningi og sölu trjáanna stendur, séu þau aldrei gevmd nær öðrum barrtrjám en 100 m. Óheimil er að selja innflutt jólátré í gróðrastöðvum sem selja barrtré til framhaldsræktunar.

3. Kartöflur.

Kartöflur sem fluttar eru inn skulu uppfylla þær kröfur sem felast í lið 1, a-d í viðauka IV.